



Sak nr 56/2008

Møtedato: 12.11.08

Møtestad: Slidretun

Arkiv nr: S 845

## S 845, Øvre Nøsen – spørsmål om støl har falt i det fri

I samband med Panoramavegen sin søknad om parkeringsplass ved Nøsen, har Statskog reist spørsmål om S 845 har falt i det fri.

Støl som fell i det fri er regulert i fjellova § 22 og stølsforskrifta §§ 15, 16 og 17.

### Fjellov:

§ 22. Rett til oppteken seter med setervoll og tilliggjande kulturbeite fell bort:

- 1. Ved oppgjeving utan atterhald.
- 2. Når setra i eit samanhengande tidsrom av 20 år ikkje har vore i bruk som seter.

### Stølsforskrift:

§ 15. Seter som er fallen i det fri etter fjellova § 22, kan fjellstyret vise ut til gardsbruk i drift som treng seter. Fjellstyret skal i tilfelle gjere vedtak om at den førre seterbrukaren skal fjerne husa om han ikkje innan ei viss tid fører dei over til den nye brukaren. Før fjellstyret gjer vedtak om fjerning av hus skal saka leggjast fram for regional kulturminneforvaltning til fråsegn.

§ 16. Vert seter som er fallen i det fri ikkje vist ut til eit anna gardsbruk, kan Statskog gje seterbrukaren løyve til å ha husa ståande utan vederlag til bruk for seg og huslyden dersom fjellstyret samtykkjer. Denne retten skal høyre under garden og kan ikkje skiljast frå han ved overdraging av husa. Kontrakt om bortleige eller annan liknande bruksrett vert rekna like med overdraging om ikkje retten er stifta for kortare tid enn 10 år utan rett for brukaren til forlenging eller fornying av kontrakten. § 20 i denne forskrifta gjeld tilsvarande.

§ 17. Får seterbrukaren ha husa ståande skriv Statskog ut eit eige dokument som vert tinglyst på allmenningen sitt blad i grunnboka.

Eigaren på garden skriv under på eit særskilt dokument som vert tinglyst på bruket sitt blad i grunnboka om at

- a. retten til å ha husa ståande utan vederlag ikkje kan overdragast eller pantsetjast utan saman med garden,
- b. kontrakt om bortleige eller annan liknande bruksrett ikkje kan stiftast om ikkje retten er stifta for ei tid av mindre enn 10 år utan rett for brukaren til å krevje forlenging eller fornying av kontrakten,
- c. dokument berre kan slettast med samtykke frå Statskog.

Statskog meiner stølen er falt i det fri og ber fjellstyret gjera vedtak om stølen er falt i det fri eller ikkje. Fjellstyret må òg ta stilling til om ein skal tilråda erklæring med avgiftsfritt feste knytt til garden eller om stølen skal lysast ledig for andre med behov for støl. Vanleg praksis har vore å gi erklæring med avgiftsfritt feste knytt til garden.

Stølsbrukaren Nils Holte har vore i møte med fjellstyret sin administrasjon to gonger, seiast den 11.nov saman med sonen Ola Arne Holte. Han har stadfesta at stølen ikkje har vore i bruk på over 20 år. Han har ingen merknader til at stølen blir lagt i det fri, på vilkår av at han får erklæring med avgiftsfritt feste knytt til garden. Det var ynskje om å endre litt på inngjerdinga. Ola Arne Holte skriv i e-post datert 12.11.08 følgjande:

*Når det gjelder jordvegen på stølen vår håper jeg at denne kan søkes om å få tilbake senere, og at den ikke blir lagt ut til andre enda. Jeg er sønn til Nils Trygve Holte og skal ta over gården om noen år. Jeg vet ikke enda om jeg kommer til å drive med husdyr. Hvis det blir til at jeg begynner med dyr så vil jeg ha mulighet til å kunne drive stølsdrift.*

*Når det gjelder parkering i påsken håper jeg at min far kan drive denne et par år til. Jeg tror ikke det blir mer for han orker ikke så mye lenger. Han er ikke så sprek lenger, men han vil prøve sier han. Nå han ikke orker mer blir det ikke noen parkering på stølen vår lenger. Jeg vil ikke binde meg til dette i påsken etter at jeg tar over.*

### **Vedtak:**

Fjellstyret reknar stølen som fallen i det fri etter fjellova § 22. Fjellstyret tilrår, etter § 16 i stølsforskrifta, at det blir oppretta avgiftsfritt feste på stølshusa knytt til Holte 87/10. Jordet er uaktuelt å vise ut til andre og blir å leggja i det fri.

Inngjerding av det avgiftsfrie festet vil ein sjå på under befarig den 15.6.09. Fjellstyret har ingen merknader til at Nils Holte får halde fram med å brøyte opp parkeringsplass i påska.

Vedtaket er einstemmig.

Vestre Slidre fjellstyre den 14.11.08

Harald Ranum  
sekretær

Utskrift: Statskog  
Vestre Slidre kommune  
Nils Holte, 2900 Fagernes